

## Paerewa Paetae

|                               |                                                               |                        |                            |
|-------------------------------|---------------------------------------------------------------|------------------------|----------------------------|
| <b>Aronga</b>                 | Toi Ataata 2.4                                                |                        |                            |
| <b>Ingoa</b>                  | Te whakaoti mahi toi nō te ao onamata i roto i ngā toi ataata |                        |                            |
| <b>Kaupae</b>                 | 2                                                             | <b>Whiwhinga</b>       | 6 <b>Aromatawai</b> Ā-roto |
| <b>Marau akoranga</b>         | Te Marautanga o Aotearoa                                      |                        |                            |
| <b>Kokonga akoranga</b>       | Ngā Toi                                                       |                        |                            |
| <b>Mana rēhita</b>            | Kua rēhitatia                                                 | <b>Te rā i mana ai</b> | 8 Hakihea 2015             |
| <b>Te rā e arotakengia ai</b> | 31 Hakihea 2018                                               | <b>Te rā i puta ai</b> | 19 Whiringa-ā-rangi 2015   |

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Toi Ataata*

*Ka whakawhanake ariā, ka whakamahi, ka whai māramatanga, ka whakawhitiwhiti whakaaro hōhonu:*

- *[tūhura] e whakaata mai ana i tōna ūnga ki te whakaputa whakaaro;*
- *[mahi] i ōna pūkenga hei hanga, hei whakawhanake, hei whakawhānui;*
- *[mōhiotanga] ki te tūāhua mahi.*

E hono ana ki te Papa Whakaako mō Ngā Toi kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

|                                                                                               |                                                                                                                                                                                                                                                                       |
|-----------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Paetae</b><br>Te whakaoti mahi toi nō te ao onamata i roto i ngā toi ataata.               | Hei tohu i te paetae: <ul style="list-style-type: none"> <li>• Ka whakaoti i tētahi mahi toi e whakaatu ana i tētahi āhuatanga o te ao onamata i roto i ngā toi ataata.</li> <li>• Ka whai hoahoa te mahi kia hāngai ai ōna ata mō te kaupapa.</li> </ul>             |
| <b>Kaiaka</b><br>He kaiaka te whakaoti mahi toi nō te ao onamata i roto i ngā toi ataata.     | Hei tohu i te kaiaka: <ul style="list-style-type: none"> <li>• Ka whakaoti i tētahi mahi toi e whakamāori ana i tētahi āhuatanga o te ao onamata i roto i ngā toi ataata.</li> <li>• Ka whai hoahoa te mahi kia hāngai tōtika ai ōna ata ki te kaupapa.</li> </ul>    |
| <b>Kairangi</b><br>He kairangi te whakaoti mahi toi nō te ao onamata i roto i ngā toi ataata. | Hei tohu i te kairangi: <ul style="list-style-type: none"> <li>• Ka whakaoti i tētahi mahi toi e whakawhānui ana i tētahi āhuatanga o te ao onamata i roto i ngā toi ataata.</li> <li>• Ka whai hoahoa te mahi kia haere ngātahi ai ngā ata me te kaupapa.</li> </ul> |

**Kōrero Āpiti**

E whai ake nei ngā whakamārama o ngā tino kupu, kīanga rānei:

|                                                     |                                                                                                                         |
|-----------------------------------------------------|-------------------------------------------------------------------------------------------------------------------------|
| mahi toi                                            | He mahinga toi nō tētahi akoranga o ngā toi ataata.                                                                     |
| te ao onamata                                       | Te wā o ngā mātua tīpuna.                                                                                               |
| e whakamāori ana i tētahi āhuatanga o te ao onamata | Ka āta whakaatu, ki ōna ake whakaaro, i te hāngai o tētahi āhuatanga o te ao onamata ki tētahi kaupapa, horopaki rānei. |
| e whakawhānui ana i tētahi āhuatanga                | Ka mārama pū ki tētahi āhuatanga o te ao onamata, ā, ka whakahāngai ki ngā mahi o ēnei rā.                              |

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233